

Vrsta dok.	Izdavač	RB
PL	KOŠ	1/20

STRATEGIJA I AKCIONI PLAN ZDRAVSTVENO-ODGOJNIH AKTIVNOSTI U ZDK U VRIJEME PANDEMIJE CORONAVIRUS-A

Strana:
1 od 2

Broj:
Zenica, _____.____.2020. godine

OSNOVNE NAPOMENE

Institut za zdravlje i sigurnost hrane Zenica u cjelini, a posebno njegova organizaciona jedinica Zavod za javno zdravstvo u aktuelnoj teškoj situaciji sa pandemijom Coronavirus-a ima zakonsku, profesionalnu i moralnu obavezu da educira stanovništvo kantona na čijem području ima ingerencije, pa i šire. Na vrhu hijerarhije upravljanja i donošenja odluka u ovakvim situacijama je Krizni štab Ministarstva zdravstva Zeničko-dobojskog kantona, a Institut i Zavod za javno zdravstvo, na čelu sa direktorom Instituta, rukovodiocem Zavoda kao menadžerima, i načelnicom Službe za epidemiologiju kao glavnim autoritetom iz struke, daju naredbe, smjernice, uputstva i preporuke za stanovništvo.

Svjesni činjenice da *ad hoc* medijsko oglašavanje nije dostatno, te da neke druge ustanove koje nisu javno-zdravstvenog tipa mogu dopustiti da imaju *ad hoc* objave na vlastitim web stranicama, što je bez imalo sumnje pozitivno i opravdano, kantonalna javno-zdravstvena ustanova poput Instituta treba ponuditi nešto više. To je u ovom slučaju *Strategija zdravstveno-odgojnih aktivnosti u Zeničko-dobojskom kantonu u vrijeme pandemije Coronavirus-a*. Ova Strategija i akcioni plan podrazumijevat će unaprijed osmišljene i strateški isplanirane zdravstveno-odgojne mjere usmjerene prema svim dijelovima društva, na način da Institut „uđe“ u zajednicu koristeći različite zdravstveno-odgojne metode. Kao jedan od segmenata objavljuvat će se i zdravstveno-odgojni i edukativni tekstovi na službenoj web stranici i društvenim mrežama Instituta.

Saglasnost na ovu Strategiju daje direktor Instituta. Za provedbu Akcionog plana iz ove Strategije zadužen je interni *Krizni operativni štab za zdravstveno-odgojne aktivnosti Instituta za vrijeme trajanja pandemije Coronavirus-a* koji broji tri člana, i to: operativni rukovodioc Štaba Doc. dr. sc. Nino Hasanica, rukovodioc Zavoda za javno zdravstvo Prof. dr. sc. Boris Hrabač i rukovodioca Veterinarskog zavoda Mr. sc. Muhamed Gladan. Za provedbu Strategije zaduženi su i svi zaposlenici Instituta u mjeri u kojoj će to biti opisano kasnije u ovom dokumentu, a prema odredbi Štaba.

Ovaj dokument podložan je revizijama s obzirom na eventualno nove potrebe ili nove naučno utemeljene činjenice i informacije. Također, vodit će se evidencije izvještajnog tipa o provođenju mjera iz ovog dokumenta. Rad ovog Štaba trajat će do daljnjeg.

METODOLOGIJA RADA

Interni Krizni operativni štab u saradnji sa načelnicom Službe za epidemiologiju i direktorom Instituta izradio je ovu *Strategiju i akcioni plan zdravstveno-odgojnih aktivnosti u ZDK u vrijeme pandemije Coronavirus-a*.

Vrsta dok.	Izdavač	RB
PL	KOŠ	1/20

STRATEGIJA I AKCIONI PLAN ZDRAVSTVENO-ODGOJNIH AKTIVNOSTI U ZDK U VRIJEME PANDEMIJE CORONAVIRUS-A

Strana:
2 od 2

Niti jedna objava materijala na web stranici Instituta, društvenim mrežama Instituta, medijima, niti na bilo koji drugi način, kao niti jedna zdravstveno-odgojna mjera u vezi aktuelne situacije sa Coronavirus-om ili bilo koja druga objava u vezi redovnih aktivnosti Instituta neće biti obavljena i objavljena bez znanja i/ili odobrenja Štaba.

Svaki član Štaba ili bilo koji drugi zaposlenik Instituta svoj prijedlog bilo koje vrste materijala ili zdravstveno-odgojne mjere treba uputiti putem e-mail-a nino.hasanica@inz.ba. Svaki materijal i zdravstveno-odgojna mjera prolazit će recenziju od strane Štaba. Eventualno, u slučaju krajnje nedoumice što se tiče epidemiološke ekspertize, po procjeni potrebe, Štab će uključiti i načelnicu Službe za epidemiologiju. Svaki materijal ili zdravstveno-odgojna mjera proći će konačno odobravanje od strane Štaba, koji po potrebi može konsultovati zaposlenika koji je inicirao mjeru.

U zavisnosti od populacije, ciljane grupe, dobne skupine, rizične skupine ili specijalne teme zdravstvenog odgoja Štab će izabrati metodu zdravstvenog odgoja koja će se primjenjivati u konkretnom slučaju. Za stručnu pomoć pri pisanju određenih dijelova materijala ili provođenja zdravstveno-odgojne mjere angažovat će se član Štaba ili drugi zaposlenik Instituta kojem ta tematika opisom i prirodom posla pripada, ili saradnik/asistent izvan Instituta koji je spreman raditi za dobrobit zajednice na volonterskoj osnovi. Prema procjeni Štaba i na osnovu zdravstveno-odgojne metode i tematike zdravstveno-odgojne mjere, Štab će zatražiti pomoć zaposlenika koji se bave informisanjem i medijima, dizajnom, pravnim aspektima, nabavkom, logističkim poslovima i slično. Preuzet će se protokoli, upute, smjernice, ili tekstovi sa već postojećih referentnih organizacija, institucija i ustanova, te eventualno izvršiti stručno prilagođavanje i dopunjavanje. Institut može zdravstveno-odgojne mjere provoditi u saradnji sa drugim zdravstvenim ustanovama ili drugim relevantnim instancama.

Za realizaciju konačno odobrenih materijala i zdravstveno-odgojnih mjera biće zadužena određena organizaciona jedinica Instituta ili pojedinac, u zavisnosti od vrste zdravstveno-odgojne mjere i metode zdravstvenog odgoja. Realizacija će se provoditi procjenjujući hitnost i kompleksnost provedbe (1 – nije kompleksno i nije hitno; 2 – srednje kompleksno i srednje hitno; 3 – izrazito kompleksno i izrazito hitno), dajući prednost hitnosti. Operativni rukovodilac Štaba vodit će evidenciju o statusu svake pojedine mjere zdravstvenog odgoja (1 – počelo; 2 – sredina izvršenja; 3 – završeno).

Svaki zaposlenik koji pripremi protokol, upute, smjernice, tekst ili predloži i pripremi drugu mjeru zdravstvenog odgoja biće evidentiran kao „urednik“, a svaki tekst ili mjera biće prikazan u tabeli Akcionog plana ove Strategije, te pripojeni dokumentu kao prilog. U ovom momentu, smatra se da protokole i kliničke vodilje za rad izloženih zdravstvenih radnika sa zaraženim pacijentima treba da obezbijede klinički epidemiolozi, infektolozi, mikrobiolozi u saradnji sa Odjeljenjima za kvalitet zdravstvenih ustanova ili druge slične organizacione jedinice.

Direktor Instituta za zdravlje i sigurnost hrane Zenica:
Prim. dr. Senad Huseinagić